

**Disputatio inauguralis medica practica, de febribus intermittentibus  
turbatis, atque corruptis ... / submittit Johannes Christianus Stempel.**

**Contributors**

Stempel, Johann Christian.  
Stahl, Georg Ernst, 1660-1734.  
Universität Halle-Wittenberg.

**Publication/Creation**

Halae Magdeburgicae : Literis Christiani Henckelii, [1713]

**Persistent URL**

<https://wellcomecollection.org/works/brq5v6ke>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

DISPUTATIO INAUGURALIS MEDICA PRACTICA;

DE

# FEBRIBUS INTERMITTENTIBUS TURBATAIS, ATQUE CORRUPTIS,

QVAM

RECTORE MAGNIFICENTISSIMO,

SERENISSIMO PRINCIPE AC DOMINO,

DN. FRIDERICO WILHELMO,

PRINCIPE BORUSSIÆ, MARCHIONE BRANDENBURGICO, RELIQUA,

IN ACADEMIA FRIDERICIANA,

GRATIOSISSIMO FACULTATIS MEDICÆ CONSENSU

PRAESIDE

DN. GEORGIO ERNESTO STAHL,

CONSIL. AUL. ET ARCHIAT. REG. MED. ET RERUM NATU-

RALIUM PROFESSORE PUBL. ORDIN. ACAD. NAT. CUR. COLLEGA LONGE

DIGNISSIMO, DECANO h. t. SPECTATISSIMO,

PATRONO, PRÆCEPTORE, AC PROMOTORE SUO

*omni Observantia atque Honoris cultu et atem prosequendo,*

PRO GRADU DOCTORALI,

Summisque in Arte Medica Honoribus, Insignibus, ac Privilegiis  
legitime obtinendis

Ad D. MAJ. A. R. S. CIO MDCCXIII.

*Loco & Horis consuetis*

Publicæ Philatrorum Ventilationi submittit,

JOHANNES CHRISTIANUS STEMPEL,

COBURGENSIS.

HALÆ MAGDEBURGICÆ,

Literis CHRISTIANI HENCKELII, Acad. Typogr.

DEPT. TO THE MEDICAL PRACTICE

FEBRUARY 1878

MILITARY MEDICAL

BATIS, AT THE COR

RUPT

RECTOR OF THE MEDICAL PRACTICE

ON FEBRUARY 1878

IN ACADEMY OF MEDICINE

OF THE MEDICAL PRACTICE

ON FEBRUARY 1878

OF THE MEDICAL PRACTICE

PROF. OF MEDICINE

OF THE MEDICAL PRACTICE

OF THE MEDICAL PRACTICE

JOHANNES CHRISTIANUS DE FURT

OF THE MEDICAL PRACTICE

OF THE MEDICAL PRACTICE



Q. D. B. V.

## PROOEMIUM.



Uam longe absint, imprimis temerariæ, spes mortalium, a sinceris atque veris bonis fructibus, nisi recti conscientie prudentiæ, tamquam firmo fundamento innitantur, docent equidem innumera in omni vita exempla atque documenta: Interim potest etiam harum rerum non solum insigne specimen, sed vel plane fundamentum, commonstrare, ingens illud Paradoxon, quod inter opiniones Theoreticas & earum usum atque effectum Practicum tanta disparitas sapissime observetur, ut, quæ usitata speculandi promptitudine pro certis atque veris supponuntur, ipsa Praxi sterilia prorsus, immò vana, sentiantur. Quid enim familiarius, etiam ex ipsius vulgiore, auditur, quam dictæ illud: Artes, earumque solidam cognitionem, attigisse ultimis his senescentis mundi temporibus, supremum suum fastigium; Die Künste seyen heut zu Ta-

ge aufs Höchste gestiegen; & tamen vix tot atque tanta exempla, infeliciū, & pessimè cedentium, eventuum, ulla propemodum ætas tulit, tam spisso agmine se mutuo stipantium, quam vix decem lustra protulerunt, per illam orbis partem, quæ se quam maxime cultiorem atque oculatiorem jactitare non erubescit. Quando enim umquam major adhuc fuit numerus, à sagacissimorum Consiliorum promptitudine sese efferentium; & tamen exitus & eventus maximi momenti, miserrarum atque ruinarum pleni, vix umquam tanto numero atque impetu, publice privatimque res mortalium obruerunt. Absit autem, ut vario talium rerum catalogo tempus consumamus; quum in sola Medicinâ tot atque tanta sint hujus rei documenta, ut neque horum numerum inire, nisi affatim otii atque patientiæ nactis, hujusmodi labor suscipiendus venire possit. Imperitum autem plane rerum, atque Seculi morum, esse oportuerit, qui non intelligat, unde infelices hujusmodi, effectus magis, quàm eventus, originem suam ducant. Nempe, non solum alienorum in alias disciplinas atque artes introductio heteroclitas tales consequentias & infidos successus & eventus passim utique parturit; Sed auget calamitatem, & in herba ipsa omnem meliorem spem suffocat & evertit, etiam verior illa labes atque lapsus gravior, quod ne tales quidem res, in se ipsis recte intellectæ, & proinde ulli justo usui satis responsuræ, adhuc insuper ad alieniora negocia transferantur, & talibus rebus explicandis adhibeantur, quibus evidentiorum lucem foenerari, magno conamine & labore quærunt, immò improbo studio veluti certatim, præ se ferunt

runt mortales. Ita enim è Physica scientia & Chymica Empiria, ad vivi corporis cognitionem non solum frustra transferuntur variæ contemplationes; sed possunt tanto minus in hoc ordine ullum bonum fructum polliceri, quàm etiam adhuc in proprio suo genere atque loco, nequaquam satis stabilitæ & exasciatæ, mox ad ulteriorem atque digniorem talem usum transferantur. Nedum ut è Mathematicis & Mechanicis, ullus solidus usus atque fructus in Medicinam redundet; quum etiam illæ Disciplinæ nihil usquam de Motuum ratione, nisi è materialium necessitate, specialiter demonstrare aut concipere valeant: dum interim in Vivo corpore, imprimis autem humano, patheticæ motuum alterationes, ita promptissimæ atque gravissimæ passim vigent, & in promptu sunt, ut absolute nulla, neque Mechanica, nec Mathematica ratio, ullum locum aut aditum, inveniat, pro minimo talium *Φαινομένων* ullaratione adumbrando. Unde nempe ortum traxit usitatissima illa Practicorum querimonia, quod immensa plane differentia inter Theoriam atque Praxin intercedat; & operosissima fere Theoria, quando ad Praxin ventum est, velut oblivioni tradenda veniat. E qua mala radice deinde pullulat, nihilo melior soboles, ut Empiriæ nudæ toto impetu animus incumbat: Seductus ibi etiam a temerariis promissis, specioso verborum adparatu, & fallacibus titulis, magnæ medicamentorum catervæ adsignatis: quæ interim, sicubi peculiari alicui constitutioni ægrorum aut morborum, utilem aliquem effectum præstittisse observatæ fuerunt, tamen, quando ita in consideratè ad universalem efficaciam, immeritis laudibus eve-

hantur, non solum securam illam atque otiosam spem destituunt & eludunt, sed sæpenumero etiam sanioribus consiliis & auxiliis opportunum tempus subtrahunt; immò non raro plane contrarios effectus temerè introducunt. Ita nempe Dogmatica illa Medicina, quæ, modo recte intellecta, maximo jure atque merito suo, ab omnibus deprædicatur, nempe vera Methodus, in ordine ad Artis potestatem, cognoscendi, & in ordine ad vivi Corporis Synergiam, curandi, humani vivi corporis pathemata: Hæc, inquam, in omnium quidem hominum ore est, & rhetoricis coloribus exornatur; in rei veritate autem, certissimo teste Practicorum usitatissimo diffidio atque animosis altercationibus, ita in discrimen adducitur, ut, ubi invenienda atque comprehendenda veniat, nemo hominum hariolari valeat. Quod autem & evidentius & majus atque dignius hujus rei exemplum allegare in promptu esse poterit, quam ipsam FEBRIUM catervam: earumque indolis, extra artis concursum, tamen salutariter cedentis, & artis concursu feliciter sublevandæ, justam contemplationem. De quibus, quum à quadraginta, & quod excurrit, annis, tantus numerus opinionum æque atque traditionum Empiricarum in publicum prodierint, ut otii certe insignis opus esse debeat, illis saltem recensendis vacare; Quid tamen inde in Artis Medicæ usum redundavit, nisi discordia multiplex, & incertitudo, cui sedulus Praxeos tyro, Scientiæ atque Conscientiæ litaturus, sese accenseri optare nunquam possit, immò debeat; Sed dies nos prius, quam numerus exemplorum talium, destitueret: Unde, quum Themati INAUGURA-

RALIS SPECIMINIS animum adjicere incumberet, potius unum tale exemplum nobis elegimus, quod ad plura tamen, colligenda æque ac intelligenda, inservire possit: nempe FEBRIUM INTERMITTENTIUM TURBATARUM, atque CORRUPTARUM, evolutionem. Quam dum pro viribus enucleare adgredimur, DEum T.O.M. supplices veneramur, ut mentem nostram Sapientiæ suæ atque veritatis cynosura ita benignissime regere ac dirigere dignetur, ut veritatem & utilitatem, quam toto animo anhelamus, feliciter adsequamur.

THES. I.

**D**E FEBRIBUS TERTIANIS TURBATIS, atque CORRUPTIS, dicere dum adgredimur, circa verborum equidem planum sensum, difficultatem aliquam effatu dignam subesse posse, non suspicamur: dum quilibet, nuda vocabuli TERTIANAE allegatione, vix dubitare poterit, quin *simplicem* talem Febrem intelligere conveniat; quamvis enim etiam ad compositas æque, ac reliquas, pejorem morem foventes, (uti aliquando *Epidemicas* observare contingit, compositæ tamen indoli manifestius accedentes,) non minus se extendat *corruptionis*, atque *turbationis*, effectus: tamen placuit nobis in *simplici* quoque *Tertianâ*, tantò magis adquiescere; ut nempè vel hoc ipso exemplo, tantò melius dilucescat, quomodo etiam *benignior* omnium reliquarum Febrium, nihilominus *inconveniente tractatione*, adeo *depravari* possit, ut valde *malos mores* induendo, aut in alios longe graviores affectus degenerando, tanto certius argumentum præbeat, quomodo etiam jam propria sua indole *deteriores* aliæ Febres, quando

tur-

*turbis*, & *corruptioni* propriorum suorum morum, subji-  
ciuntur, tanto graviores eventus subire possint.

II.

Neque vero etiam vocabulum *turbatae*, atque *corruptae* febris, peculiari explicatione indigere videtur: siquidem ipsa *turbationis* vox, satis, non innuit solum, sed & exprimit, quod usitati Febrium harum moris & quasi *moduli*, insignis alteratio indicetur. Ut nimirum a *stato* suo atque *ordinato* successu & progressu, sive ad insolitas & irregulares *commotiones* impellantur, sive penitus *suppressae*, non solum in *schemata* alia morbida transformentur; sed revera tam *materialiter*, quam *formaliter*, ut in Scholis loquuntur, non solum in *alios*, sed & *deteriores* morbos, convertantur.

III.

Ubi nempe, ut velut in genere de rei veritate, ut loquuntur, dubitationem animis eximamus: an nempe non magis *possit*, quam utique *soleat*, fieri, ut non solum Tertianæ, sed etiam omnis generis Febres, (solis *contagiosis* atque *peracutis* eo nomine tantisper exceptis, quod harum *turbatio*, non tam frequenter in *tardiorum* aliquam corruptionem, & aliud schema, quam *praesentiorum* *funestum* exitum, vergat,) eventui huic *turbationis*, atque *corruptionis*, pateant: jubemus harum rerum decenter curiosos, animum advertere, ad experimentum, sine multa difficultate sæpius quam quidem expediat, hodiè inveniendum, quod ita commemoramus. “Si ægri aliqui audiantur, *anomalis*, & imprimis *diuturnis*, “*turbidis*, *febris* obfessi, aut in *hecticas*, aut ad minimum “*lentas* febres prolapsi, aut in *cachecticum*, aut *hydropicum* “*statum* deducti; qui ante plures menses aut septimanas, sa- “*ni*, floridi, atque vividi, & imprimis à longo jam tempore “*constanter* incolumis habitus corporis, fuerint; nec *enor-* “*mibus* malæ diætæ abusibus in hos, imprimis posteriores, af- “*fectus* prolapsi, nedum *violenta* quadam ratione in hos con- “*jecti*: interrogentur tales solertius, qualibus evidentiori-  
bus

“bus *initiiis* præsentes hi ipsorum morbi cœperint ? quos si  
 “à *Febre* aliqua initium cepisse memorent, exquiratur cura-  
 “tiùs, cujusnam indolis *typum* atque mores *febris* illa pri-  
 “mò ostenderit ? quomodo vel patientes circa illam sese ges-  
 “serint ; sive an consiliis & auxiliis, sive Practicorum Medi-  
 “corum, sive Empiricorum suorum, usi sint, atque tali-  
 “bus indulserint. Deinde consideretur, quanto hominum  
 “numero *similis species* febris passim evenire soleat ; & an  
 “frequenter & familiariter, an verò rarius & velut inusitatò,  
 “in aliis hominibus gemina talis febris *transformatio* in pares  
 “*deteriores* morbos, inveniatur. Quod, si non testetur ex-  
 “perientia, nulla certe justior formabitur subsumptio, quam  
 “quod affectus tales, post febrem talem coorti, febris malo  
 “successui originem suam debeant. Dico, *malo* successui *fe-*  
 “*bris* ; siquidem, si febris talis in nimio pluribus subjectis,  
 “alio successu atque exitu, undique salutariter, cessare *posse*  
 “& *solere*, ita numerosis exemplis deprehenditur, ut ex il-  
 “lis jus fasque sit concludere, quod *melior* ille successus atque  
 “exitus, febrì tali *in se*, atque *sibi recte constanti & relictae*,  
 “competat ; eâdem utique æquitate nitetur illa etiam subsum-  
 “ptio, quod, ubi talis febris aliter, quam secundum hunc *since-*  
 “*riorem* sui genium, succedit atque cedit, quod in tali casu,  
 “inusitati & anomali eventus, febris talis, undecumque tan-  
 “dem, in *anomaliam* coniecta, *turbata*, & *corrupta*, in sequi-  
 “ores tales eventus degeneraverit.

IV.

Quæres, ut etiam in hac specie Febris, nempe *Tertia-*  
*na*, quantum ad τὸ ὄν attinet, ante omnia *historicè*, diluce-  
 scat ; est etiam de illa facile, ex innumera obvia experientia,  
 observare, quod vastus numerus hominum, & incidere in  
 hanc febrem, & ab illa iterum liberari soleat, & integram sa-  
 nitatem recuperare. Si vero, respectu illius numeri oppidò  
 pauciores, *inusitados* successus & eventus hujus Febris ex-  
 periantur, *in genere* quidem etiam illud non adeo difficile e-

rit perveſtigare, quod tales, vel conſpicua quadam deteriore diſpoſitione valetudinis ſuæ reliquæ, jam *antè* laboraverint, quàm in hanc febrem inciderent: vel proprio *intemperante* regimine, ſub illa febre, uſi ſint: vel imprudente conſilio, & remediorum inconſueto uſu, ſive proprio auſu, ſive alieno ſuaſu, hoc reportaverint, ut febris illa inuſitatos aliàs ſucceſſus atque exitus incurrerit.

V.

Invenientur autem hæ *anomalie* imprimis ſequentia Schemata exhibere: 1) Vt è febre *intermittente*, *ſimpliciore* Tertiana, fiat *continua*: ſive *acuta*, ſive *compoſita*. 2) Aut è maniſteſtius & *ordinatius intermittente*, *erratica*: 3) Aut *lenta* atque languida, aut plane maniſteſtius *hectica*. 4) Aut, aliquam diu *deſiteſcens* talis febris, denuo iterum emicet, & de integro patientem invadat: 5) Aut, præter aliàs conſuetum morem, in valde *longum tempus*, plurium ſeptimanarum, imò vel plane menſium, extendatur: 6) Aut, imprimis circa *Autumnale* tempus, in *Quartanam* transformetur; 7) Aut diuturna exſtantiora pathemata *hypochondriaca* poſt ſe trahat; circa *adpetitum*, *tolerantiã paſtus*, *ſucceſſum alvi*, *flatulentiam*, *tormina* &c. 8) Aut *cachecticam* conſtitutionem univerſaliorem: 9) Aut *pedum œdemata*; 10) imò ipſum *hydropem Aſcitem*, poſt ſeſe trahat. II) Aut *anniverſario* tempore, certius atque importunius, ſive magis proprio ſchemate, ſive alienioribus talibus, recrudeſcat.

VI.

Quod jam ad τὸ διότι attinet, expreſſimus Titulo thematici noſtri, *Turbationem*, atque *corruptionem*. Ubi h. l. exprimendum venit, quod *turbatio* talis, (quod etiam proxima Theſi innuimus,) cauſſam agnoſcere poſſit etiam *prægreſſam* jam deteriore prædiſpoſitione reliquæ *valetudinis*, cui Tertiana Febris ſuperveniat. Ubi nempe ipſi ſanæ rationi non poteſt non liquere, quod vix poſſit fieri, ut morbus aliquis in corpus jam aliunde *male prædiſpoſitum* incidens,

dens, eamdem planam atque simplicem succedendi rationem & mensuram observare possit, quam si in corpus inciderit, nullis adhuc heteroclitis dispositionibus affectum. Quia vero prior horum casuum, etiam vix ita simplicem & legitimam nudam *Tertianariam* indolem observare potest aut solet; propterea, quum nos etiam de *simplicis & legitimæ* Tertianæ peioribus eventibus, affatim habeamus, quod dicamus, sufficere poterit notavisse, quod tamen etiam talis utiq; ratio dari possit, ut Tertianæ ne quidem ita *simplex* mox ab ipso initio coloriri possit, quin jam aliquid minus ordinati atque *turbulenti* mox involvat & præ se ferat: Tanto magis autem deinde etiam ad *ulteriores* turbationes, atque corruptiones propendens, eò majorem circumspeditionem requirat, ne in eamdem, uti tanto facilius, ita etiam tanto certius, conjiciatur.

VII.

*Legitima* vero etiam Tertianæ, *turbationis*, atque *corruptionis* occasionem satis luculentam adipisci potest, è quantalibet ægri *plethora*. Quamvis enim etiam hæc ipsa quoque ad *prædispositionem* jam tum incommodiorem referri possit; tamen, quum neque reliquam *sanitatem*, nec ipsam plane *Tertianam* Febrem, adeo insigniter *turbare*, aut *corrumpere*, tam *directè* atque facile, sive soleat, sive possit; propterea illam, nisi plane *exorbitantem*, ad huc ad nostræ considerationis censum recipere, plenum jus fasque vix erit. Excepto eo, quod hæc ipsa circumstantia nequaquam difficilem aditum patefaciat, ad *turbandum* sinceriores Tertianæ Febris successum & progressum: Ut vel ad minimum *acerbiora* evadant, usitata ejus *symptomata*; vel tantò facilior transitus in *compositam*, aut planè *acutam* indolem obtingat: immò etiam, importunioribus *turbationibus*, ipse *Ascites* *hydrops*, aut in aliis *hectica* febris, introducatur. Tanto propius autem *turbationi*, febrem talem admovet, malum patientis *regimen*. Quando ille, sub *paroxysmorum* æstu, impatienter, atque ita *intemperanter* sese gerit; ut vel *refrige-*

*rationibus* immodicis externis, vel *frigidi potus* ingurgitatione, indomitum se gerat: Vel sub *declinatione* æstus, præmaturè, à quiete usque ad *plenum* paroxysmi exitum longe utilius servanda, sese proripiat, vel ad minimum illo quoque tempore, *refrigerationi* potius indulgeat, quam ut *moderatè* has etiam *reliquias*, & *intepescentis* caloris ad naturalem gradum reditum, patienter ferat & expectet.

VIII.

Aut quando etiam, contrario modo, *æstum* febrilem spontè exardescentem intempestiva solertiâ, non tam *tolerare*, quàm *augere*, suscipit, *coactò*, *positivè* concalefaciente, regimine. Nempe *intempestiva* ad illud tempus, intentione, *sudorem* non solum *promovendi*, quam *plane producendi*. Unde jam *sponte* ipsius Febris, coorians *æstus*, (qui antea in hac vividior esse solet, quam, *legitimè*, in quacumque alia,) præter omnem *rationem* æque, ac *utilitatem*, immò ipsam usque *tolerantiam*, *immodicè* exaggeratur: *Capitis dolores* vehementer exasperantur, immò vel ipsa *mens* aliquando obturbatur: quin *restagnationibus* immodicis, per talem turgescensionem sanguini inductis, *inflammatorias* stases circa interiora fieri, si non æque solitum aut familiare, tamen nec etiam rationi contrarium aut impossibile est factu. Certe, simpliciorum Tertianam, immoderatis talibus (tanto magis autem per calidiora *medicamenta*) exagitationibus, in *plethoricis* corporibus, ad minimum *nothum*, aut *compositum* typum subire, nequaquam pariter rarum aut dubium exemplum est. Quin immò, ne illud quidem rarissimum, ut planè *acuta* febris, (quamquam vix *sincera*) imprimis mox *ab initio* ita perturbatæ, Tertianæ, superveniat.

IX.

*Denudationem* impatientem solorum *crurum*, (clandestinam inter adsistentium curas) in medio aut increbescente *æstu*, diuturnam, ad notabilem perfrigerationem talis membri, notabiliter *turbavisse*, & *deteriorem* reddidisse, febrem

“ta-

“talem, anxias angustias præcordiorum, flatulentias tormi-  
 “nosas, spasticas importunas molestias, capitis graviora pa-  
 “themata, induxisse: Immò in delicatioribus & mollioris  
 “habitus subjectis, inflationes pedum: ad minimum autem  
 “diuturnos & pertinaces languores, & ὀρεόνοτον lassitudi-  
 “nem, produxisse, non semel observatum est. Quod qui-  
 dem tanto certius metuere oportet, in quibus jam alia mala  
 prædispositio morbida præcessit: & refrigeratio illa, per ne-  
 cessitates accidentales, cum humectatione conjuncta fuit.

X.

Quid, quod etiam *Tertiana* Febre correptis, de reli-  
 quo à vomendi promptitudine valde alienis, *Tertiana* Febris  
 veluti ordinarie multò incommodiùs cedit, & tanto facilius  
 turbidiorem genium capeffit, si medicatio, minus pruden-  
 ter, ad hanc peculiarem circumstantiam reflexa, suscipiatur.

XI.

Ita etiam malè propriis ægrorum talium ausibus, sine pru-  
 dente discrimine majoris aut minoris sensibilitatis corporis,  
 aut proportionis talium mediorum, *Empirica acriora & cali-  
 diora* remedia, intempestive & intemperanter in abusum tra-  
 huntur. Qualia sunt *piper* cum *spiritu ardente* ingurgita-  
 tum; & *Circumforaneorum* ille pulvis è calidis radicibus,  
 herbis, & seminibus, *Sieben und siebenzigerley Pulver*, affatim  
 ingestus: imprimis ineunte paroxysmo, & Regimine dia-  
 phoretico insuper affectato. A quo errore & aliàs anxiam tur-  
 bulentiam, & νοσήσας, & plane *hecticum* quid evenisse, ali-  
 quoties observare obtrigit.

XII.

Immò etiam nimis superstitiosa, sive sponte ægri, sive ex  
 mandato minus discreto, *abstinentia* ab omni potu, sub æstu  
 paroxysmi, in *Plethora* sanguinis jam ante minus sufficienter  
 diluti, turbare simpliciore atque mitiore febris hujus in-  
 dolem, valet. Tanto magis autem, quando insuper ante  
 dictæ turbulentiores ejusmodi exagitationes æstus febrilis,

conjunguntur: five *remediis* calidioribus, five *regimine* nimis calido, five utroque.

## XIII.

Certius autem atque gravius, obtingunt non *turbationes* solum, sed plane *corruptiones*, huic feбри, per medicationes sine *methodo* atque ratione adhibitas; quantumcumque de reliquo, nempe sub *prudente administratione*, utiles atque efficaces: nedum majore jure *suspectas*, atque justius reprobandas. Ita enim, primo loco, *Vomitoria*, tamquam simpliciter *Empiricè*, sine discrimine *opportuni & maturi* temporis, *roboris ægri*, *facilitatis* ad vomendum, prægressarum ingurgitationum & intemperantioris *diætæ*, temere cuilibet Tertianario ægro ingesta, potentiam illam suam *turbandi* hanc febrem, nequaquam ita rarò ipso actu & effectu demonstrant. Ubi etiam ipsa *ἐνέμεσις*, & cum hac concurrens in ipso patiente *propensio* ad vomendum, sanæ rationi prudentem discretionem suadere debent. Quamvis enim rectissimè ab omni ævo consentiant Medici Practici, quod *natura utilissimè ducatur, quorsum vergit*, atque sponte sua inclinatur: tamen nullus talium probaverit, nedum jusserit, ut *inclinationem* talem seu propensionem jamjam emicantem, importuniore exagitatione ad *excessum* incitare, æquum ducatur. Imprimis, quum in hoc etiam negotio, magnoperè distinguere debeat *facilitas* ad vomendum, cum *habilitate materiæ*: & *conatus* quidem vomendi, das *Würgen*, & *effectus* vomendi, das *würckliche Erbrechen*. Dum *illud* satis sæpe sese exserit, sine justo successu; nempe *materia motui* tali nondum satis obsequente, adeoque frustra suscipiendo nudi *motus* talis incitamento, jam sponte, per *materiæ* proportionatum obsequium deficiens, *intempestivo*.

## XIV.

Ex adverso verò, quando etiam adhuc minus tempestivus ejusmodi vomendi *conatus* probabilis videtur: propter concurrentem velut ordinariè graviolem atque anxiam mole-

lestiam *cardialgicam*, cum *præmaturis* talibus inanibus conaminibus; *cohibitio directa* talium conaminum, imprimis per *adstringentia*, aut intemperantius *opiata*, *turbat* itidem febrem: quum potius, *materiæ* quidem, per *incidentia*, *digestiva*, atque *abstergentia*: *tono* verò ventriculi, per *moderatiores stomachica*, longe consultius atque efficacius succurratur.

XV.

Neque vero dispar ratio est consilii, *evacuationes Catharticas* Tertianæ Febri adhibendi; quandoquidem hoc ipsum etiam cœptum, si non *turbidè* procedere atque succedere debeat, discretionem hanc, habilitatis *materiæ* ad *motem* dijudicandæ, & *motus* ipsius concitandi, semper utique pro fundamento agnoscere debet. Siquidem alias hîc quoque, præsertim *importunioribus* Catharticis, *turbas*, neque contemnendas illas, injicere contingit, imprimis *Autumnali* tempore, ut è Tertiana in *Quartanam*, aut in *pedum inflationes*, fiat transitus; & tanto facilius quidem hoc posterius, si magis *Empirica*, imaginaria *methodo*, post *provocatas* tales evacuationes, (sed verum morbi fomitem non adsequutas) mox ad *suppressionem* totius febris transeat.

XVI.

De qua quidem *præmatura suppressione* nequaquam contemni meretur ipsum vulgi, (nempe per simpliciorum observationem eruditi, & experimento in oculos incurrente cautiore,) iudicium: Man solle das Fieber nicht zu geschwinde vertreiben. Nempe illud utique satis compertum habentis, quod ipsa Tertiana Febris, dummodo non *turbata*, nihil æque *fonticum* portendat, aut parturiant: quin illam moderatius perpeffi, ad pristinam *integram & sinceram* sanitatem passim revertantur; Unde alterum vulgi veluti proverbium natum: Wenn man das Kalte nur recht überstanden, und außgewartet habe, werde man recht gesund darnach. Dum ex adverso, à *præmature suppressa* tali Febre, si nihil aliud, pro suo capto,

ptu, tamen diuturnos languores satis animadvertant, unde ulterius effatum: Man müsse es hernachmahls nur desto länger aussiechen, oder außfrancfen. Quæ certe populares observationes sæpe numero longe plus practici usus in recessu habent, quàm plusculæ *rariores*, observationes, si ab imperitis & ἀπεικτοῖς, non ut *rariores* considerantur; sed mox ad intempestivam *universaliorem* explicationem, atque adplicationem nude Empiricam, imprudenter transferuntur. Quæ res, quantum à dimidio propemodum Seculo, *Theoriam Pathologicam* atque *Therapeuticam* affligerit, ingens certe operæ pretium reddit prudentius perspexisse.

XVII.

Quemadmodum autem *intempestivis* evacuationibus *Emetico Cathartico*, legitimus, tranquillior, atque ordinatior progressus & decursus febris, tamquam crasso quodam modo, *turbatur*: ita nihilo tamen minorem efficaciam etiam habet, Evacuationis *Diaphoreticæ*, s. *concitatio* atque provocatio imprudentior & intempestiva, s. decentis atque tempestivæ, *neglectus*, aut plane *cohibitio*. Ex priore enim, pululat non solum ipsorum Paroxysmorum acerbior *æstuatio*, cum *Cephalalgia*, anxie *angustie*, *impatiente* caloris excedentis, *fitis*, *inquietudinis* in artubus, exasperatione: Sed fit etiam, ut vel plane nullus *sudor*, ne quidem justiore deinde tempore, obsequatur, vel, sicubi ita *præmaturè* sudor expellatur, neque juvet aut sublevet patientem, sed fatiget potius & delasset, neque servet communiter modum, sed fudent patientes immodicè. Immò sternit hæc inconsiderantia viam, in *spongiosis* artubus, ad *inflationes* oedema τῶδες, *apostaseos* aliqua ratione: quin apud cujuslibet texturæ ægros, *diuturnis* artuum languoribus, & ὀστέονόπτοις lassitudinibus, ansam præbet, quod vulgus notat formula: Das Fieber sey in die Glieder geschlagen. Quorsum referendæ sunt Ataxiæ, jam suprà, de *æstus exacerbatione*, notatæ. Quid, quod hac

hac ipsa *turbatione*, febris hæc ad solito longiorem durationem atque pervicaciam deducitur.

XVIII.

Acrius autem fere, quam errores tales circa evacuationes augendas, *turbat*, & pervertit febrem, *proportionatarum* evacuationum, *quantitate*, *loco*, atque *tempore*, convenientiorum, *cobibitio & repressio*. Ubi, quum de *Vomitu & Catharsi* jam aliquid dixerimus, venit adhuc notandum de *sudatione* tempestiva, perperam *impedita*; quod patientes, fenefcente jam febris reliquo vigore, itidem unum è *duobus* incommodis, immò potius è *tribus*, inde reportent. Dum nempe ( $\alpha$ ) ab hoc errore, tota febris *diuturnior* atque *pertinacior* evadit: ( $\beta$ ) *languor*, *gravitas*, *tensiva lassitudo* in artubus, etiam cessante jam febris *typo*, diu patientem ad huc obsident: aut ( $\gamma$ ) sic affectis, postea per plusculum temporis, *spontanei largi sudores* eveniunt; qui, vel quoties *liquida*, imprimis *calida*, adsumunt, ipsis citò erumpunt: vel simulatque *obdormiscunt*, & quamdiu dormiunt, diu æque atque noctu, extra aut intrà lectum, copiose emanant: & non solum re vera lassant ægrum, sed familiariter etiam, metu gravioris & altioris periculi macerant. Tantò magis, cum hæc talis nimia *propensio* ad sudandum, vix umquam reliquam *totam* constitutionem integræ sanitati conformem, comitetur: sed semper adhuc aliquid *lenti* febrilis genii recondere videatur, tam *virium* corporis, quam *alacritatis animi* intuitu, & *adpetitus*, quieti *somni*, *siticulositatis*, aut ad minimum *humiditatis oris*, quin & *alvi*, à sincera sanitate ad huc diffidentibus defectibus.

XIX.

Quamvis enim minus forte, quam bene multi alii, ignoremus, quod hic *ultimus* affectus, post typum febris *conquiescentem* ita adhuc luxuriantis *sudationis*, non tam familiariter *legitimis* Tertianis, vestigia legere soleat: & quidem ex allegato præsertim errore, legitimos *tempestivos* sudores

negligendi & sufflaminandi : non tamen ita alienus est etiam à *legitima* Tertiana, imprimis in constitutione *plethorica*, & reliquo febris *typo*, satis *ordinatè* atque tolerabiliter progresso. Quid vero, quod etiam hic error, in *feruidiore* simplici Tertiana, per totum decursum, immò per importuniores *priores* paroxysmos admissus & continuatus, simplicem non ita rarò in *compositam*, aut certe *degenerem*, transformare, observari possit.

XX.

Tanto certius autem occurrent solertiori observationi, illa exempla, quod ab hoc defectu, de cetero satis recte decurrere & requiescere visa Tertiana Febris, levioribus occasionibus, imprimis à *sensu* frigoris ambientis, denuò cooriri soleat : & quidem magis magisque à sincera *simplicitate* deflectente modulo; immo, si nihil aliud, certe majorem *pervicaciam* servante, nec etiam reliquæ *Therapiæ* Tertianæ legitimæ, amplius l. exacte quadret, l. obsequatur. Et tanto magis hoc quidem, quo magis pertinacia talis in *consuetudinem* velut adducitur.

XXI.

Egimus huc usque de *diversis*, tamquam per particulas, *viis* atque *modis*, febrem Tertianam *turbandi*; & hujusurbationis ulterioribus *deterioribus* consecrariis. Superest durior nodus, nempe *totius* febris in discreta occupatio & *suppressio*, intempestiva atque *præmatura*; Ubi inter alia scandala, quæ pessima Polypragmolyne, & libido alienis negotiis atque officiis sese immiscendi, ad improbissimos talium ausurum effectus, jam pridem publica detestatione notatos, supererat, ut ex illa officina etiam procuderetur medium tale, sanitatem hominum in varia, & passim gravissimè fontica pericula atque damna conjiciendi: Et quidem adhuc sub personâ, scenam odiosiore reddente, turpis *lucri* captandi, sub *privilegio* hujus nundinationis. Durius sonare videtur Apostoli effatum, quando *furem*, *homicidam*, & *alieno officio* se-

sefe ingentem, in eandem tribum conjicit: sed nimio certe durius, cuique bono, videbitur, harum rerum culpam velut uno eodemque actu in se admisisse. Quid enim, si inhonestum illud *pretium* spectetur, quo sub primo arctiore ad huc privilegio, palmare hujus furfuris remedium divenditum est, de bona fide hujus *lucri*, in animum venire poterit? Quid, si de damnis, in *sanitatem* atque *vitam* hominum inde redundantibus, bonæ fidei æstimatio instituat? Dicent: At bonæ fidei fuit bona *intentio*; dum malorum eventuum talium ignari fuerunt, & meliorum securi, propolæ, immò monopolæ. Quid autem aliud hoc erat, quam temeraria in *alienum officium* ingestio, & rei, longe circumspectius examen promerentis, ignorantia nimis quàm vincibili, in scopum à suo officio alienum, intrusio: & quidem sub odio illo intemperantissimi *lucri*.

XXII.

Habent tamen illi, seposito omni dubio, quod regerant. Invenit artificium hoc universalem ad sensum: adeoque approbat, vix non totus, directe *officium* profitentium chorus, saluberrimam hujus remedii efficaciam: & si quid utique hîc peccatum est, nimio plus, decursu temporis ab aliis, quàm istis, factum hoc est, & patratum. Sed quid dicit Apostolus: Per unum hominem peccatum introductum est, & per peccatum mors; & quamvis utrumque ad omnes homines perpetraverit: certe tamen gravius atque pejus egit, qui primus introduxit; absque quo si fuisset, nec ultra dimanare contigisset. At quis eo ipso etiam suscepit omnes alios excusare; quis autem etiam suscepit, sine fructu accusare? Satis est rem ipsam loqui: id unum satis est meminisse, judicia Dei Abyssum esse.

XXIII.

Enim vero satis erit, improvidorum atque temerariorum ausuum, fucos atque larvas, breviter & nervosè excussisse. Excusatio, qua malam suam causam pervicacissimè

“tuentur, *Corticis Peruviani* Patroni, nititur illa adsertione,  
 “quod utique remedium hoc, in numero, & insuper constante,  
 “experientiæ suffragio, Febrem Tertianam ita profliget, ut  
 “immanis ægrorum numerus produci possit, qui hujus usu,  
 “ad plenam sanitatem restituti fuerint. Audeant autem ne-  
 “gare, pro reliqua sua confidentia, quod etiam numerus satis  
 immanis, si eventum dignitas imprimis æstimetur, in *gra-  
 vissima* inde mala, & *ineluctabilia*, prolapsi sint. Statim da-  
 bimus vades, quos non ausint, ne ejurato quidem pudore, re-  
 jicere. Unde est, sodes, quod ipse populus, remedio huic  
 passim gravissimè diffidit? A *persuasione*? Quotusquisque  
 autem est, qui *dissuadet*? & quem audire solet populus, *u-  
 num*, contra tantum numerum, in unam adfirmationem con-  
 sentientium? Deprehendes, non à persuasione, sed à *tristi  
 experientia*, *damno suo*, sapere didicisse.

XXIV.

Mollius itaque loquuntur alii, & ipsi infauſta experien-  
 tia moniti; discretionem adhibendam esse, posse certe pec-  
 cari, immò solere: neque injustam esse indignationem; Sed  
 iniquius futurum, propter *abusum*, *usum* tollere, & quod *se-  
 cundum quid* illud meretur, *absolute* improbare. Modestia,  
 ubi locum invenit, in promptu est viro bono. Proponimus  
 itaque, ita moderatioribus, saltem hoc problema: “Reme-  
 “dium, quod magna discretionem atque circumſpectione indi-  
 “get, adeoque tam propinquum est *abusui* gravi, quàm legi-  
 “timo *usui*, justumne sit & æquum, illis laudibus condeco-  
 “rari, quæ longe certior irritent abusus, quàm legitimum  
 “usum? Liceat geminum adjungere: Unde factum videri  
 “possit prudenti arbitro, ut *abusus* ille, tam sæpe noxius, eo  
 “usque increbuerit, ut hodie ne quidem ingens jam *adsen-  
 “sus*, de necessaria prudentia & discreta moderatione circa  
 “*usum* hujus remedii, non valeat illud amplius extorquere  
 “è manibus innumerorum temerariorum grassatorum, Em-  
 “piricorum, mulierum, veterinariorum, circumforaneo-  
 “rum,

rum, balneatorum, toniorum, atque Seplasiariorum, im-  
 "mò, pudor! Medicorum: per incitiam & ignorantiam, &  
 "gentilem his tribulibus temeritatem, manifestò abusus po-  
 tius, quam usus, compotum. Proferant his *problematis*  
 respondentem solutionem: Suppeditent cordatum consili-  
 um, quomodo rei ita in angustum deductæ, subveniri pos-  
 sit, ut certior spes sit, (quæ est anima boni consilii,) *effectus*.  
 Considerent, sit ne fiducia iusta, illos *dissuadendo* profectu-  
 ros, quorum totus ferè ordo, suasor atque auctor fuit. Quam  
 aliam vere salutarem spem concipere possint, præter *unam* il-  
 lam, quam nimio certiores jam notavimus, ipsius potius *po-*  
*puli*, quam in quidvis audacissimorum, Empiricorum, ex-  
 perientiam, numquam in id consensurorum, quod *Dioge-*  
*nes* petebat, ut cum votivis tabulis, à *naufragio* ejectorum,  
 conferatur numerus *iisdem navibus submersorum*.

XXV.

Quid autem, pro candore, quem de ipsis nobis pollice-  
 mur, ad illud dicent: "Si Febris Tertianæ, undique secunda  
 "methodo, & remediis innoxiiis, sanari potest; quo jure re-  
 "currere fas esse possit, ad remedium, cordata ipsorum con-  
 "fessione, ita ambiguum, ut in eo utique haud difficulter er-  
 "rari & offendi possit? Dixerint, *breviore* simul atque *certi-*  
*ore* efficacia, *corticem* hunc coërcere febrem, quam ullum  
 aliud remedium. Sed facile animadvertent, quod hæc ipsa  
 sit præjudicialis illa quæstio; an febris talis, iterum dico, *ju-*  
*stæ* atque *efficaci* alii methodo adhuc refractaria: adeoque  
 nondum satis subactis, veris ejus *materialibus* causis, *sup-*  
*primi* atque *cohiberi* debeat, aut æquo jure possit; sine gravi  
 periculo, à *retenta* tali *materia*, cohibito saltem *motu* &  
*progressu* ejus *expulsorio*, non frustra metuendo. Si verò  
 solum ita velut in *subsidiu* reservare hunc *corticem* conten-  
 dant, ut tandem, tamquam *certiore* remedio illo, egregie  
 proficere sperent; Quamvis hic etiam summa certè discre-  
 tione opus sit, ad modo commendatam difficultatem recte &  
 fin-

sincerè tollendam; & dijudicandum, ubi revera febris talis, solo *motu* adhuc insultet, *materia* vel nulla, vel satis *proportionata*, non amplius peccante: Tamen neque tanti est *necessitas* hujus *corticis*, etiam in tali casu, quin ejus efficacia, tantopere animos fascinans, compensari possit aliis remediis, ne latum unguem concedentibus, hoc ipso effectu, huic *cortici*: Interim in eo differentibus, quod non tam facile omnibus Empiricis in manus cadere possint, si modo prudentes Medici eà cautione utantur, ut ne quidem scio-  
la illa turba pharmacopæorum famulitii, comprehendat, quo proprie *scopo* atque *sine*, in talibus casibus, hoc remedi-  
dii genus, præscribatur.

XXV.

Nam, ut ad nostrum utique negotium revertamur, illud satis certum & nemini amplius circumspecto & perito Practico ignorandum, est, quod hujus *Corticis abusus*, ita plane in vulgus effusus atque diffusus, & *certissimus*, & *promississimus* & *frequentissimus*, gravissimorum quorumlibet nostræ considerationis affectuum atque effectuum, sit architectus. Ita enim, quàm mala fide *cortex* hic febrem *supprimat*, simplicissimè ex eo colligi potest, quod non solum valde familiariter, febris per eundem curata credita, *denuò* cooriatur atque redeat: sed hoc tanto magis atque certius, quando simpliciter *cobibitorius* & *adstrictorius* ejus effectus, (quem præsentissimè & manifestissimè *alui stipatione* ex-  
ferit,) remedio quocumque huic effectui contrario, v.g. *purgante*, minuatur aut dissolvatur; adeoque *materia* temere retenta, qualitercumque iterum commoveatur. Adeo, ut in rei veritate, à nulla alia, modo non simpliciter hujus æmula, *methodo*, tam facilis *relapsus* hujus febris, contingere usquam observetur.

XXVII.

Qua de re dicendum adhuc aliquid omninò erit: de *methodo*, inquam, efficaciæ hujus *corticis* æmula. Quis enim

enim tam blennus est, ut illud pervidere non possit, quomodo pessimè collocata illa sagacitas, de *efficacia* remedium, simpliciter *effectui* illorum quadrante, *Therapie* Medicæ calamitosam illam perversionem conciliaverit, ut neglecta prorsus morbidarum *causarum*, ad suos effectus edendos, *verâ* energia, & nihili æstimata *sincerâ* veritate *effectuum*, ad *fidam*, *plenam*, & *constantem* curam morborum sufficientium: Si modo quidquam quemquam, quantumcumque *malè fidum*, *temporarium*, *palliativum*, effectum præstare adparet, statim inutili verborum pompa, & inani solertiæ ostentatione, properetur, ad declarandas non solum *causas* effectuum horum, sed, qui est mali fundus, *generalissimorum*, temere & mala fide pro *utilissimis* ebuccinatorum: non vero *specialium*, modò nominatorum, ut *superficialiorum*, *transitoriorum*, *palliativorum*, & ad *summam* negotii, male fidorum. Quem vero cordatum harum rerum æstimatorem fallere potest vera causa, unde hi errores in Medicam *Therapiam* irruerint? nempe è male collocatis, imò subinde male intellectis, *generalibus* & *confusis*, *physicis*, & *trivialibus chymicis*, fragmentis, evanido studio conquisitis: *imperitia* verò *practica*, tam *historica*, veræ *indolis* atque *ætiologiæ*, quàm *Therapeutica*, *fide* curationis atque sanationis, morborum.

XXVIII.

Quod ne temere asserere videamur, quis, quæso, cordatus Vir, si I. è solida *Pathologica ætiologia*, (è vera, nihil manca, & nulla circumstantia conclusionem fallente, morborum *indole*, haurienda,) perspexerit, quod in febribus, non solum *motus* extraordinarii, (nempe respectu œconomiæ corporis, nullis impuritatibus gravati,) sed ante omnia, *materia*, per aut propter quam *motus* tales cooriuntur, præcipuam considerationem ad se vocet: II. E vere *scientifica* *Therapia*, *methodum* agnoverit, quod ante omnia *matarum* talium, sive *correctioni*, quoad ejus fieri potest, sive

*ordinata*, atque rectè *maturæ*, *emotioni* eartundem è corpore, adeoque hujus ab istis *depurationi*, & repurgationi, omnis intentio adhibenda veniat. III. Ex ipsa debite circumspecta *Practica* observatione, viderit, quod istius furfuris artificia, non solum perversa ratione hic incedant, *materiam* non attingendo, *motus* autem ad hujus eliminationem collineantes turbando; sed etiam, *tot exemplis*, didicerit, quod effectus horum remediorum, non solum *inconstantia malefidus*, sed etiam *deteriorum* ulteriorum malorum eventuum ferax, inveniatur: Quis, inquam, cordatus vir, curiositatem suam non impendet, non tam ad detegendam causam, quamobrem hos adversos effectus medicamenta talia præstent: sed, tamquam in re bene gesta & gerenda, talibus etiam alia *parallela*, pari *infido* effectu pollentia, adhuc subrogare, & ad latus ponere, in animum inducet? Unde apodictica certitudine pollere, securi sumus, nostram adsertionem, quod, quicumque hoc faciunt, *imperitia* dictarum rerum, nempe verè *medicarum*, peccent: quum profecto, si hoc non esset, longe adhuc odiosiori culpæ sese alligarent.

XXIX.

Quem verò peritum fugit, quod jam à longo retrò tempore, vel inter ipsum vulgus, ad profligandas *Tertianas*, celebratum fuerit, *Quinquifolium* cum toto *Tormentilla*, aut *Radices* harum; passim etiam *Plantaginis* radix, & *Polygonum* seu *Centumnodia*: nempe omnia *adstrictoria-suppressoria* efficacia, *Cortici peruviano* parallela. Nisi quod *largiores* talium doses, ævum ad palatum ægrorum sese acommodans, & succinctis præbiis intentum, dissuasisse videantur talium usum, & parvis dosibus parem effectum pollicentia *adstringentia*, *Martialia*, *alumen*, & similia, substituenda fuasisse. Interim, dum nec ipsa *Chin china*, ferè aliis, quàm *quantitate* nauseosis dosibus, usurpata, expectatum illum effectum edat; quid attinebat, vel illi tantum-

tumdem indulgere, vel in ejus locum succedanea talia subrogare? Profectò, uti Vir prudens, præsertim in negotio non contemnendi momenti, nihil negligere debet, quod ad ejus usum inserviat, ita neque fallere debet ejus circumspeditionem, observatio illa, quod utique nec ipsum vulgus, notissimis illis sibi remediis, facile *uti* aut *abuti* observetur: quamobrem autem, quæso; nisi quod ab illis inconditos eventus passim expertum, illis non temere fidere didicerit. Quæ certè res tam in *usurpandis*, quàm *subrogandis* paris culpæ artificiis, cur non tantò cautiores reddat, qui immensum quantum prudentiores esse præsumuntur, quorumlibet æquorum arbitrorum judicio permittimus.

XXX.

Sicut autem hoc artificium, immò verius & bono jure meritoque suo dicendum, *artis vitium*, maxime propterea, præcipuam considerationem meretur, quia nullo alio, neque *certius* & *facilius*, neque hodie fere etiam *frequentius*, Tertianæ febris *turbatur*, & *corrumpitur*; nec etiam vera *ætiologia* hujusmodi mali effectus, simplicius atque facilius, in ullo propemodum alio erroris genere, monstrari atque comprehendere potest; nec proinde etiam & facilius evitari potest, & justius debet: Ita alterius adhuc, inter hodiernam licentiam, detestante jam olim Plinio, *per mortes experimenta faciendi*, hinc inde temerariis Empiricis adhuc familiaris, & pro more talium, vix extorquendi, remedii, ne ipsa *allegatione* peccandi occasio, per accidens præbeatur, ne quidem mentionem facere dignum ducimus, quum præsertim D. D. Præses hanc rem latius jam egerit, inter observationes, Mense *Novembri* 1698. propositâ. Et prudentissimè certè, & cordatissimè, *Spartanos* interrogatos, quamobrem Legibus suis, nullum adversus *parricidium* supplicium sanxerint? respondisse memoriæ proditum est, quod tale crimen à sua gente committi pos-

se, non credidissent. Unde optandum profectò esset, ut non solum inter homines, sed plane pro bene moratis, immò doctis, haberi contententes, ne dicam Christianos, flagitiosa talis temeritas, ne credi quidem posset, nedum argui & notari deberet. Unde pedibus certè, quod ajunt, in sententiam imus Celeberrimorum Virorum, in allegata observatione, cum debito honore laudatorum, Excell. Rosini Lentilii, de hoc ausu eloquentis: *Prudens Medicus, & conscientiae suae studiosus, ab his sibi cavebit.* B. Joh. Jac. Wepferi, ingenuè fatentis, *se ab usu ejus abhorrere, quantumcumque etiam præparatum, aut, nescias quomodo, fixatum, deprædicetur:* & denique Dn. Crugeri verbis: *quæritur, si nonaginta novem tali remedio contingeret à Quartana liberari, Centesimo autem moriendum esset, an tali remedio, salva conscientia, Christianus uti possit?*

Αλλ' ἤτοι μὲν ταῦτα Θεὸς ἐν γούνασι κείτης.

XXXI.

Progredimur igitur potius, tam ad *Theoreticam*, quam *Practicam* demonstrationem, quod hujus generis *turbationes*, atque *corruptiones* ab hæctenus allegatis *anomalis methodis* atque *remediis*, revera non solum per *fallaciam* quamdam *non causæ ut causæ*, ubi obtingunt, evenisse videantur, & *speculabundâ* opinione atque interpretatione judicentur: Sed in rei veritate, & *possint*, & ceteris paribus, & facile dabilibus casibus atque circumstantiis, *non possint* non hoc efficere. Certè, ut nihil facilius, per *intellectus* humani æque, atque *voluntatis* originariam labem, latius diffundi & extendi solet, quam *errores*: Ita, cui alteri rei æquiore jure tribui poterit, etiam hæc, *Febrem turbandi*, atque *corrumpendi*, certior culpa, quam *neglectui* solidæ contemplationis atque Pathologiæ, *Febris*; adeoque erroneo conceptui de vera ejus indole atque constitutione. Suo utique loco atque fato relinquenda hic venit illa, ut vulgò ajunt, temporum injuria, qua factum videri possit, ut

ab

ab antiquissimis temporibus, in hunc usque diem, tanto magis autem postremo hoc ævo, magno conatu, in veriores rerum causas diligentius inquirere professo, hanc rem, e manifestioribus obscuritatibus, & passim frivolis tricis, in clariorem lucem prodire nondum obtigerit. Antiquissimi quidem, indice partim, partim teste, *Hippocrate*, sub historicis illis *Crisium*, quin *Eccrisium*, *febrilium*, adnotationibus, straverunt jam viam posteritati, generaliore illa sua agnitione, quod *Crises*, sint *effectus naturæ*, propria *sua energia cum morbo concertantis & pugnantis*. Quod tanto majorem considerationem meretur, quàm nulla difficultate ex *Hippocrate* colligere liceat, quod tanto numero passim ab ipso memoratæ *crises*, potius sub talium morborum decursu, *sine artis* concursu, quàm cum hoc, evenisse ab ipso observatæ sint: aut, si cui contrarium placeat, tanto certior ratio inde peti posset, cur in familiari, ejus temporis, usu *Veratri*, (vehementibus vomitibus *fauces*, *collum*, *caput*, percellentis,) tam frequens, ut prope modum apparet, obtigerit *Anginarum* & *Parotidum* in acutis febribus *πυρεσσις*. Nisi quod *Hippocrates* remedium hoc ad tales febres vix usquam laudet: quamquam hoc etiam, si suspicionum incideret scrupulus, vel propterea *omisisse* videri posset, quod harum rerum collusionem ipse quoque suspectam habuerit. Enimvero, quod alibi etiam docuimus, si *Hippocrates*, tum alibi passim, tum imprimis *Epidemicorum* libris, non tam solum cordi habuisset, *pauciores* historias adnotare, ubi in *Epidemicis* febribus, deteriores quædam, pejoris *Eccriseos*, aut *Apostaseos*, epigeneles obtigerint: Sed potius, quomodo magno numero eadem febre correptorum, non tam ad *mortem*, quàm etiam ad *sanitatem* reportatam, eadem processerint, & exiverint: ut ibi non injuria loquuti esse nobis videmur, *aurei* potius essent hi libri, qui ita, uti jacent, quasi *plumbi* dicendi videntur. Interim sarcire poterat, & hodie-

que certe poterit, defectum hunc, prudente ejus agnitione occurrens occasio, locupletissimis exemplis illum corrigendi.

XXXII.

Qua nempè contemplatione, cum debita consideratione institutâ, nulla sanè difficultate dilucescet, quod hujusmodi febres, & ipsa, de qua nobis susceptus est sermo, *Tertiana*, (ut etiam latius & ex instituto, propria Dissertatione de hac Febre, tamquam omnium reliquarum paradigmata, monstratum est,) universis illis diversis humorum *restrictionibus* & *commotionibus*, quæ *Paroxysmum* proprie formant, nihil manifestius agitet ac intendat, quàm *materiæ* morbidæ, imprimis in hac febre, *Ventriculo*, aut *proximis viis*, inhærentis, partim *dispositionem* ad excussionem, partim actualem *elisionem*: partim denique tam *qualitatis* sanguinis, circa istam primam contentionem, diu intra magna interiora vasa restagnando lentescens, fortiore circulatione, debitam iterum *attenuationem*: quàm *quantitatis* ejus, hoc ipso fortiore locali atque intestino motu *colliquatorio*, *imminutionem*; Unde *Plethoricis*, pars paroxysmi *æstuosa*, & importunior, & imprimis longior, obtingere observatur. Sicuti denique, sub *finem* paroxysmorum, legitimè, spontè succedentes *sudationes*, *ventilationem* tenuioris ferosæ, sed & *orgasticæ*, portionis, sub diuturno illo, juxta localem, intestino, *æstuoso* motu extenuatæ & exagitatæ, utiliter absolventes.

XXXIII.

Quæ res uti *physicè mechanicam* aptitudinem atque efficaciam, ad effectus similiter *physico-mechanicæ* necessitati & utilitati quadrantes, manifestò habet; interim debito & proportionato *moderamine*, tamquam vere *organicâ* proportionem, *dirigenda* & *regenda* venit: ita certe *ars* nullum alium scopum sibi hic præfigere debet, quàm ut ante omnia *materiæ dispositionem*, ut *motibus* illis *elisoris* tan-

tantò minus negotii facessat, quoquo modo juvet & promoveat; siquidem hoc unum utique est illud præcipuum, quod *Ars* habere sive potest, sive debet, ut *materias motibus* expurgatoriis magis obediens reddat; dum interim *natura* ipsa, nihil nisi *motibus* peragere compos, subinde per longiores atque operosiores ambitus & ambages, hic incedere atque procedere necesse habet, ut *motibus* variis, ad materiam *mobilem* reddendam, connitatur. Quando vero *Ars* hoc suo scopo, *materiarum* intuitu, potita est, tunc demum considerare integrum est, quomodo reliquis spontaneis naturæ conatibus, ad illam *emovendam* congruè collineantibus, vel indulgere conveniat; vel illis etiam, sicubi opus videatur, *moderamen* aliquod adhibere.

XXXIV

Quibus autem omnibus, ipsa veritatis simplicitate conspicuis, *intentionibus* & *progressibus*, quam crasso modo contra grassetur, indiscreta illa simpliciter *adstrictoria* *cohibitio*, & *suppressio* omnium talium conatuum, seu moliminum naturæ, juxta usitatam ordinariam œconomiam vitalem, *motorio-exoneratorem*, uti fatis in aprico positum est: ita confirmat hoc tanto luculentius, facili solertia absolvenda illa observatio, quod, quantò manifestius *Febris Tertiaria*, *Dietæ inordinata*, & imprimis solidiorum ingurgitationi, aut conjunctæ nausæ, superveniens: in qua nempe constitutione, *moles*, aut *tenacitas* materiæ certius peccat: quomodo, inquam, ita constitutæ Tertianæ, temerè objectæ tales *cohibitiones*, non solum *certiorem*, sed etiam *manifestiorem*, turbationem, atque corruptionem, objiciant & inducant. Superest, ut ad debitum examen revocetur, & rationis atque intellectus lumine collustretur, præfracta illa, & imprimis simplicioribus tanto facilius imponens, interloquutio experientiæ nudæ; Quod nempe immenso numero hominum, remedium hoc non solum salutariter cesserit, non tantum ad

*cohibendam* febrim, sed prorsus etiam ad *integram*, & nulla *mala consequutione* contaminatam, sanitatem impetratam: Sed etiam hodieque idem adhuc facere deprehendatur.

XXXV.

Ad hujus rei examen, *duo* citandi veniunt *testes*, immò *tres* potius, ut optima forma iudicium instrui possit. Ut à *simpliciore* atque notiore fiat initium; facile adparebit, quod remedii hujus usus nemini usquam felicius cedat, quàm subjectis, tam reliquo naturæ *robore* atque tolerantia conspicuis: quàm in *vita genere* comprehensis, quod vividiores *voluntarios motus* involvat: *plebejis*, *operariis*, *opificibus* laboriosioribus. *Tenerioribus* autem, tam corpore, quàm animo debilioribus, atque *sensibilibus*; aut *turbulentioribus*, & *voluntariorum motuum* vel minus compositibus, vel alienioribus ab iisdem, nimio frequentius, & satis familiariter, manifestius, multo sensibilius magis magisque *incommode* eveniat. Ubi nempe facile est dispicere, quamobrem intempestivæ illæ *stricturæ tonicæ*, per medicamenta *involuntario* corporis motui injectæ, *voluntariis motibus* correctionem adsequentes, quietiorem successum pejorum progressuum & eventuum interpellent & præoccupent: in illis autem, ubi his voluntariis motibus minus patet locus, contrarium eveniat.

XXXVI.

Secundum testimonium, petendum est à paulo circumspectiore, aut minus tali, *usu* hujusmodi remediorum. Ita enim innumeris certe exemplis illud passim obtingit, ut ita demum hujusmodi remediorum usus, non incommode cedat, sed potius feliciter plenum salutarem eventum adsequatur; quando, post *præmissa* alia, *materiam* ad meliorem frugem ex parte reducentia, aut post factas jam insignes *materiæ* talis *subtractiones* & *evacuationes*, remedia hæc non amplius ita *immature* subjunguntur, adeoque *reli-*  
*qua*

*qua* simplicior *commotio* febrilis, illis solùm reprimitur atque sistitur. Ubi nempe, licet non omnium sit comprehendere, prudentioribus tamen minus difficile est agnoscere, quod utique *motus* hujusmodi, ut varii alii, *longo*, peculiariter *ordinato* usu, ita in *consuetudinem* abeat, ut vel nulla, vel minime certe proportionata, *materiæ* culpa, diu adhuc obversetur: unde imprimis magis infons hujusmodi remediorum efficacía, laudem illam suam adquisivit, è tali *contumacium diuturnarum* febrium cohibitione: quam frustra, *methodo* toti negotio minus exæquata, alii adgressi sunt, respectu simpliciter ad *materias*, tamquam perpetuos fomites horum motuum, (& hoc ipsum quoque è male fundatis recentioris Physicæ opinionibus) nequaquam directo. Quum inter varia alia, documenta solius *motus*, citrà *materiarum* ullam probabilem proportionem, etiam, illustrari possint exemplo notissimo, quod homines, de reliquo alacrioris & attentioris indolis, si è nocturno somno ita excitentur, ut mox ad alacritatem aliquam expirant, succedentibus multis noctibus, non solùm sponte iterum ita evigilent, sed familiariter ita exquisitè, eodem stato tempore, ut, si horologii aliquod indicium, primo illi tempori propius responderit, etiam subsequens, illa spontanea evigilandi periodus, eandem illam horæ, mensuram admodum exquisitè servet: quod quidem adhuc notius est, in proæretica illa, certa quadam matutina hora evigilandi, *adsuetudine*.

XXXVII.

Tertius autem testis adhuc majore cum attentione, ad propiores articulos probatorios, citandus venit. Nempe, ita familiariter, ut vel paulò solertio rem attentionem minime possit subterfugere observationis veritas, deprehendere licet, quod *sunt* ante hac undiquaque homines, artificis talibus aliquantò *præmaturius*, aut *importunius*, occupata sua febre, in posterum ejusmodi incommodis affici se

se sentiant, ut vel *appetitum* suum satis incitatum, *parvâ*, ad hanc proportionem, adsumtorum quantitate, mox evanescere advertant; vel, si illi indulgeant, manifesta incommoda, *olim* à pari ausu sibi penitus *ignota*, experiantur, *angustias*, *tensiones*, atque *gravitates* per præcordia, *ructus* & *flatus* molestos, immò *colicas* tensiones, *morsus*, *torfiones*, *borborygmos*, *torporem* atque *somnolentiam* oscitabundam, *salivæ* frequentem in os confluxum, *capitis* gravitatem, aut plus minus *vertiginosas* turbationes, *faciei* ruborem, immò universaliore *volaticos calores*, *siticulositatem*, diverforum ciborum inusitatam *nauseam*, &c. Immo velut in genere, ad *frigoris* imprimis, quin etiam *caloris*, vicissitudines, longe sensibiliorem, quàm antehac, *molestiam*: &c. Quæ res sæpe in plurium mensium spatium excurrunt: à quibus facilis, & passim familiaris, fiat progressus ad plura *exstantiora* nova, aut certe *ulteriora*, sinceræ sanitatis detrimenta.

XXXVIII.

Quid autem notius est atque manifestius, quàm quod talibus artificiis à *Tertiana* Febre liberati, non solum aliis revera levioribus occasionibus, in illam denuo *relabantur*; Sed illa imprimis, quod, quum hæc artificia, & cumprimis *Cortice Peruviano* perpetrata, non solum ordinariè *alvi* debitum successum, præter omnem prægressam adfuetudinem, valde *remorentur*: sed etiam, si hic illorum *effectus* stimulo aliquo *interpelletur*, & contrarius inducatur, velut ordinariè ipsa quoque febris resuscitetur. Quod profectò tali medicatione, tantum abest, ut ulla alia ratione, quàm *insufficientis* illius curationis *enervatione*, evenire posset aut soleret; ut potius toti mundo notum sit, quod non solum *purgationes* etiam quantumcumque vehementes atque *importunæ*, quidlibet potius aliud, quàm *Tertianam* Febrim, concitare valeant; Sed etiam in ipsa *Tertiana* Febre usurpatæ, (nisi plane intemperante & incondito

dito usu) illam nullatenus exasperent; quin potius, *prudenter* & subordinato usu administratæ illi *conducant*; in genere autem toti huic feбри utiliùs, nedum tolerabiliùs, sit, *liberam* potius, quàm *desidem*, nedum *suppressam*, habere alvum.

XXXIX.

Quibus sane rebus, ea, qua decet, *solertia*, quantum ad veritatem *historicam*, & *prudencia*, ad usum *pragmaticum*, debite perpensis, næ ingens lacinia, è picto illo laudum hujus medicationis velo abrumpetur, quo veritatis simplicis fulgor hætenus interceptus fuit. Simul autem elucescet etiam illius eventus ratio, cur in aliis quidem talibus ægris, peiores tales eventus, *impetu* quodam irrum-pentes, luculentius culpam detegant: in aliis autem, *longa* quidem, sed tamen satis *continua*, & insuper *conspicua*, ferie, sinceram sanitatem ita turbent, ut sensim sensimque enervatam & labefactatam, denique in eadem illa *præcipitia* adducant, quæ alibi nihil dissimulato successu & progressu adiri, res ipsa loquitur.

XL.

Unde certe est, quod homines antehac satis pancraticè sani, in alios, molestissimos, aut *contumaces*, quin *periculosos* atque intractabiles, sanitatis lapsus devoluti, vel paulò solertiore interrogatione, passim deprehendantur, inconstantioris, aut manifestius enervatæ sanitatis suæ *Epo-cham*, diserte à tempore, quo in *febrem* talem inciderint, connumerare. Utpote à quo tempore, stabilem illam & intemeratam, nihilque interruptam, integritatem sanitatis suæ, non amplius sibi constituisse, satis commemoraverunt. Quæ certe animadversio, uti totam nostram rem confirmat; ita habet sæpenumero, tanto certius autem à propiore adhuc sinistrorum eventuum tempore, insignem illum usum, ut Medicus hujusmodi eventibus, è præcedentis alicujus morbi *corruptione* prognatis, ad illum ipsum etiam,

& illum respicientes magis fidas medelas, intentionem suam dirigere, adeoque felicius præfenti quoque sanitatis detrimento, tamquam è fundamento, consulere possit.

XLI.

Sicut exadverso, summo quoque jure meritoque suo, *solertioribus*, & utilissime curiosis Practicis, etiam illam adhuc animadversionem commendamus, ut prudenter observent, quanto peiores *mores*, & variam *contumaciam*, præ se ferre soleant ejusmodi morbi, qui è *turbatione*, & *corruptione* febrium ortum nacti, altiùs *radices* egerunt; quàm similes, ab aliis caussis *lentioribus* initia sua trahentes. Quæ certe res, uti solerter attendentibus vix poterit dissentienti locum relinquere: ita tanto magis, non tam solum utilem, quam certe necessariam faciet, eo majorem attentionem, ad sedulo *evitandam*, sive *negligentiam*, sive *audaciam*, quamcumque, circa *turbationes*, aut *corruptiones* ejusmodi committendas.

XLII.

Meritò vero jam supra, argumenti non contemnendi loco, adversus *indiscretos* ausus hujusmodi, allegavimus illam considerationem, quod utique tanto indignius videatur, ad *ancipitia*, & ad sinistros eventus *proclivia*, methodorum & remediorum genera, in Febris *Tertianæ* Therapia recurrere; Quum febris hæc, non solum in se, ullius magni *periculi* compos non existat: sed etiam tam *certis*, & satis quoque *tempestivis*, quàm undique *securis*, aliis methodis, sanari possit. Cujus quidem argumenti *nervum*, magis adhuc intendit illud, quod *minus* jam *sincerae* Tertianæ Febres, si ejusmodi *securioribus*, & simplicioris morbi genio bene respondentibus & quadrantibus, *methodis* atque *medicamentis*, refragari perseverent; tantum abest, ut *ancipiti* tali methodo, melius & *sincerior* cicurentur, ut potius revera tantò *certiùs* deteriore, *turbidam*, aut *corruptam*, indolem sequantur. Ut adeo prudenter etiam cavere

vere conveniat, ne huic *prætextui* credendo, evanidæ illi spei indulgeamus, quasi in tali aliquo remedio, invenire liceat, *certiorem, securiorem*, nedum, ut audaciores propugnare student, *unicam*, curationis energiam.

XLIII.

Quamvis autem, ut supra jam abunde monstravimus, nihil attineat, usum aliquem cujuscumque remedii probare, nedum laudare, quod ad facilem & fonticum abusum idoneum, immò quasi proclive existat; tamen, ne *absolute* damnare, discretionis hujusmodi minus compotibus, videamur, quod *secundum quid*, adhuc aliquid ostendat, vituperio minus dignum: repetimus breviter, quod ipsum jam tetigimus quoque, quod *Corticis Peruviani* usus, minus opprobrii mereatur in ejusmodi constitutione, ubi *commotio* Febrilis Tertianaria, magis diuturnæ aut repetitæ *adsuetudini* commovendi, quàm *proportioni motuum* horum, ad (minime negligendæ interim,) *materiæ* mensuram, justius tribuenda videtur. Secundò, quod deteriores illos suos effectus minus promte atque libere adsequatur, aut ad gravissimos quoslibet eventus prosequatur; in subiectis, & reliqua *robusta* indole conspicuis, & operosioribus corporis *motibus* addictis. Modo illud simul prudenter consideretur, quod hujusmodi subiecta, *Tertianam* Febrem vix aliunde familiarius incurrant, quam è crassioribus *Diætæ* vitiis; adeoque *materialis* causæ *quantitate* & *qualitate* notabili: quæ nisi *prius* exantlata aut cicurata sit, neque decantatum illud naturæ robur, neque reliqui *labores* corporis, hoc efficiant aut perficiant, ut per *suppressionem motuum* febrilium cohibita & retenta talis *materia*, non *turbas*, & *corruptiones* fubeat, solidam sanationem graviter intervertere ac evertere compotes.

XLIV.

Ubi certe, in suscepta ex instituto Thematis hujus tractatione, adeò non silentio aut oblivioni tradere licet,

ut potius digniore aliquo loco jam notari potuisse, non inficiemur, eximiæ considerationis illam observationem, quod *materia*, quæ Tertianam Febrem concitare potest atque solet, tantum abest, ut hoc *physicò-mechanica*, seu ut scholæ loquuntur, *materiæ simplici necessitate*, perpetret: ut omninò etiam in corpore præstò esse possit, equidem sine *tali* febre: interim numquam sine sensibili sinceræ sanitatis *turbatione*. Nihilominus tamen numquam, neque tam *promptas*, neque tam *certas*, neque tam *graviore*s, festinationes, ad valde *peiores* alios successus, & morbos effectus, ostendat, quàm si *febris* illi supervenerit, & hæc incondite *turbetur*. Quùm enim putari posset, quod si Febris Tertiana, è stomachi prægravatione ab ingluvie orta, saltem *ipsa* tollatur; *oneratio* illa ventriculi, tunc nullam aliam rationem habitura sit, quam solet, quando, (frequentissimis exemplis,) *simplex* atque absoluta corpori obtingit. Ibi longe certe aliter rem se habere, ipse locuples eventus testimonium perhibet, adeoque infirmum nervum hujus argumenti rumpit. Ut potius vel ex hoc ipso veluti Paradigmate, comprehendì possit, quanta intercedat differentia, inter *materiarum* in corpore animali effectus, simplicius & sincerius, *physicò-mechanicos*; nempe tam corporeo contactu & actu perficiendos, quàm simplices *motus*, planiore quodam successu, provocantes: & *peculiares* MOTUS, ad ejusmodi *materiarum secretoriam & excretoriam, dimotionem & emotionem*, cum *directione* peculiariter *proportionata*, susceptos, & (uti universa febrium historia nimio plus ostendit,) vix usquam impune *turbandos*, quin rationabiliter ex illis elucens, plane *singularis & seria intentio* SIC agendi, in *anomalas* inclinationes conjiciatur: Quæ vel *translationes* ad alieniora loca, cum ulterioribus malis eventibus, post se trahant: vel *diuturna*, circa totum negotium *ordinatorum vitalium motuum, fastidia, languores, inquietudines, sensibilitates, impatien-*  
*tias,*

*sias*, & tandem nec *usitatos*, nec *utiles*, conatus *violentiores*, aut *contumaciores*, parturiant. Ubi illos, qui per juvenilium studiorum scholasticorum neglectum, *Causarum* indolem & ordinem, minus adsequuti, vocem (quia certe vim non intelligunt) *intentionis* fastidiunt; facile patimur saltim *analogiam* quamdam intentionis hîc supponere: dummodo ad serium *practicum* usum, illud satis intelligere possint, quod *effectus* & *eventus* hi, ut in se *veri* sunt, saltim *Artis intentionem* justam, summopere exigant; ne illa *utilibus* istis atque *salutaris* efficacîæ conatibus, ad legitimam & efficacem *dimotionem* & *emotionem* molestarum aut noxiarum *materiarum*, *febrili typo* atque *ordine*, salutaribus effectibus, quadrante, inchoatos & pergentes, pro ipso effectu *inutilibus*, efficacia nihil *quadrantibus*, & mere *passivis* ipsius morbi consecrariis, uti contra rationem, ita tanto magis contra ipsam experientiam, interpretantes, non modo *liberum*, sed vel plane (quod nempe ex hujusmodi opinione, unica justa consequentia, fuit,) *necessarium* ducant, illis quolibet *modo* atque *tempore*, *directe resistere*, & illos solum simpliciter, quoquo modo *sistere*. Illos autem, quibus has res, & per experientiam novisse, & per causarum scientiam, intelligere, datum est, nihil dubitamus, solertius animadversuros esse, quantum ponderis & momenti hæc res habeat, quam hac Thesi prolixius commendavimus, ad impediendum, ne aliquid contra sanam rationem offendatur: & intelligendum, in locuplete hodie hujus offensionis eventu, ubi & quomodo, malo intellectu & usu, in hoc negotio peccatum sit, & fuerit peccari.

XLV.

Expectabitur à nobis sine dubio, ut, quàm *historiam*, & *ætiologiam*, Febris Tertianæ *turbatæ*, & *corruptæ*, per texuimus, etiam de *Therapia* loquamur. Quamvis autem nulla sit *caussa*, quamobrem huic labori subeundo, obno-

xios nos & obstrictos agnoscere debeamus; quum satis esse posset, de hac re, *quatenus* tali, & veritatem, & facultatem, *historicè* & *ætiologicè*, stabilivisse. Tamen non deerimus etiam huic desiderio; illud solum observando, ut, quod proprie instituto convenire potest, sine prolixitate super-  
vacua, exequi contenti: ad ea, quæ non hunc respecti-  
vum, sed *absolutum* potius, febris hujus genium, concer-  
nunt, non ultra, quàm expedire visum nobis fuerit, diffun-  
damur.

XLVI.

Est autem in *turbatarum*, atque *corruptarum*, Tertiana-  
rum febrium, *Practica* æstimatione, post justam illarum  
*Diagnosin*: non statim proximum, simpliciter ad *Therapi-*  
*am* properare: Sed necessaria certe hic, tantum sanè, quàm  
usquam alibi, est prius PROGNOSIS. Quandoquidem  
non levi discrimini sese subjicit & exponit Practicus, qui-  
cumque, temeraria & inconsulta aliorum Empiriâ *turbato-*  
*rum*, aut *corruptorum* morborum, & longe *deteriorum* in-  
de subnatorum affectuum, curam atque medicationem, ita  
simpliciter in sese recipit, & quod ab aliis depravatum est,  
rectum atque ratum efficere, præfestinat. Quamvis enim  
inhumanum videatur, nec etiam conscientiæ & amor  
Christiano passim quadret, ægros simpliciter ad eandem  
abyssum repellere, cujus vorticibus atque voraginibus jam  
in hanc calamitatem adductos, probabilius sit penitus sub-  
mersam iri. Interim nemo etiam, è quocumque demum  
moralitatis fundamento, ab honesto viro hoc severè exe-  
gerit, ut difficillimis subinde, & omninò ancipitibus, hu-  
jusmodi coeptis, tamquam ex officii nexu, sese submitten-  
do, tam ægrorum, quotquot minus gnari atque grati sunt,  
quàm Artificum ejusmodi præcursorum, calumniis familia-  
rissimis, se exponat. Dum ægri tales bene multi, totam  
rem, ex indole *incorruptæ* & *sincerae* Tertianæ, perperam  
æstimantes, magis propemodum fastidio prægressi artificii,  
quod

quod rei tam *levi* auferendæ non satis par fuerit, alium, ut tam *levi* rei saltim colophonem imponat, potius in subsidium advocant; quàm ut intelligere velint, quod hoc ipso, quia talis Febris non modo eundem, quem pro *simplici* sua indole aliàs solet admittere, eventum fortiri recusavit, sed etiam *deterioribus*, & illi suo *genio* incognitis, Symptomatibus aucta incedit, absurde jam pro *eadem simplici* atque *leviore*, venditetur. Empirici autem tales mali Artifices, (antiquum illud numquam obsolescere, sedulò præcavescentes, quod, *quò quisque est indoctior, eò sit impudentior*,) difficiliore succensus, immò tandem minus felices eventus, numquam alteri rei tribuunt, quàm, quod patiens non ipsorum Curæ continuandæ institerit, quam successor demum, sua imperitia, in deteriore succensus & eventum deduxerit. Ut itaque & boni Viri officio, atque Conscientiæ suæ, & meritæ existimationi atque scientiæ, consulere possit cordatus Medicus, nulla certe res majori subsidio esse poterit, quam scita æque atque verax *Prognosis*; quam ipsis etiam ægris, nisi quidem ab omni intellectu destitutis, duplici modo probare poterit. Primò, velut *à priori*, prædictione talium eventuum, in quos, ita *turbatæ*, aut *corruptæ* Febres, si saniolem tractationem jam pervicacius adspernantur, solent magis magisque ruere & prolabi. Secundò *à posteriori*, experientia & exemplis; quæ, quum certè hodie, minus, quàm quidem optandum esset, rara hinc inde occurrant; Sanè, si his præmonstrationibus eximere non potest ægro levitatem illam, morbum suum pro *levi* & parvi momenti æstimandi, prudentiæ cujuslibet relinquimus, an nihilo secius obstrictum sese reputare velit, ad molestias illas & fastidia in se recipienda, quæ & operosior, & impeditior, solertia, in talismodi cura gerenda, faceffit. Tanto magis, quum ægri, hoc *præjudicio* obsessi, etiam ordinariæ licentius sibi indulgendo, hoc ipso non tantum

tum feliciorum succellum morari, fed & infeliciores even-  
tus magis magisque promovere, pollint.

XLVII.

Ita quidem, ut apprime neceflaria, fic etiam non diffici-  
lis erit *Prognofis* illa *duplex*; primò *generalior*, quod Fe-  
bres Tertianæ, notabiliter *turbatæ*, nedum *corruptæ*, & in-  
de *subnati* alii affectus, insigniter jam recedant, tam ab illa  
*periculi* ulterioris *levitate*, quàm à *Curationis facilitate* aut  
*fecuritate*. Secundò, *specialior*; quod, quò *graviores*, vel-  
ut è reliqua fua indole, funt affectus, è *turbatione*, aut *cor-  
ruptione* Tertianæ subnati; aut quantò jam *diuturniores*,  
& profundius actis radicibus, *pertinaciores*: eò etiam lon-  
gius à bona fpe *facilioris*, aut *fecurioris* & *constantioris*,  
Curationis, recedant. Unde cujusvis, periti æque atque  
circumfpecti, Practici, dexteritati & prudentiæ commen-  
dandum venit, quantum ille, circa hoc negotium, viribus  
fuis tribuere atque fidere aufit: ut, fi non *timidè*, certe  
tamen neque *temerè*, talibus negociis fefe fuccenturiari,  
geftiat.

XLVIII.

Post talem *Prognofin*, THERAPIAM *duobus* funda-  
mentis fuperftruimus; quorum prius eft, ut *Febris* potius  
in integrum reftituatur; fecundum, ut fub reliqua Cura  
talium affectuum *heteroclitorum*, è Tertiana *subnatorum*,  
remedia ipfi *Tertianæ* aliàs verè proficua, numquam negli-  
gantur.

XLIX.

Quum autem *prior* ex his fcopis, *poftivè*, in artis po-  
teftate nequaquam ita in proclivi fit pofitus, ut, Tertianam  
febrem, fimpliciter *revocare*, quum libuerit, liceat; Ad  
minimum tamen, *privativè*, illum habet ufum hæc inten-  
tio, ut neque veluti fpontè *repullulans* febris, pari errore  
denuò formidetur, & *cobibenda* potius in *motu* fuo, quàm  
*eradicanda*, fecundum *materiam* fui, cenfeatur: adeoque  
nec

nec ab illis remediis, quasi cavendum esse videatur, quæ *suppressam* temere hanc febrem iterum *expedire*, sive, ut vulgo loquuntur, *provocare*, experientia docuit. Inter quæ quum primum locum occupent, etiam non æque importunæ, *Catharses*; & (præter solum *acutiorum* continuum typum fortè exortum) omnia reliqua *schemata* malorum *corruptæ* febris successuum, *Catharsin* non admodum ægre ferant: tanto minus etiam habet inde Medicus, quod talia *prudenter* in usum trahere, dubium reddere possit: vel ea ipsa intentione, ut febris *revocetur*. Succedit hoc etiam fere tanto felicius, quando *suppressio* febris, per usitata illa artificia notiora, suppressionem *alvi* inusitatam, comitem habet: tanto certius autem, quanto *recentior* adhuc est hæc perversio.

L.

Ut ut autem ipsa febris non revertatur; immò, quantumlibet sub qualicumque iterum reversuræ, vel expectatione, vel indifferente securitate: confert tamen, reliqua ad febrem hanc melius *quadrantia* remedia, in usum vocare. Nempe tam *Digestiva*, sive *incidentia*; quam *Diapnoicam* Ventilationem modestè promoventia: *interpositis* opportunè, etiam per *alvum*, imprimis cum *Epicrasi*, evacuantibus. Observando undique, cum peculiari solertia, an non aliquod vestigium *alterni* languoris compareat; quandoquidem tale quiddam, nequaquam *exquisitè* revertente tota febre, tamen passim observare contingit.

LI.

Sicut autem hæc intentio æque ac inventio, præcipuum usum habet, tunc maxime, quando adhuc *recentior* est, *turbarum*, aut *corruptelæ* effectus: ita non frustra tamen etiam adhibetur, jam aliquantò longius recedentè horum eventuum tempore. Nisi quod in tali casu, non tam solum *usus* majoris, quàm propemodum *necessitatis*, sint, *Antifebrilia*, *altius* in humores diffundi apta, & magis *Diaphoresin*, atque moderatam *Diuresin*, (non ut *acriora Salina*) respicientia, quàm simplicius *Saburram* in primis adhuc viis retentam, aut obhærentem. Nisi quod

hic etiam prudens *judicium* Medici omninò inveniatur, quod decernat: imprimis in ægris robustioris indolis.

LII.

Adfert hujus rei exemplum *B. Ettmullerus in Proœm. Diss. de Præcipitant. Usu & Abusu.* Ubi peritissimè certè adnotavit, quod *terreorum* absorbentium *abuso*, *cohibita* visa *Tertiana*, sæpe *hecticum* quiddam introducat: quod non injuriâ magni momenti esse, quæ erat Viri maxima solertia Practica, adseverat. Laudat pro tali *corruptelâ*, è sua experientia, remedium efficax, per *Vomitorium*, & huic subjungendum usum imprimis *Salis Ammoniaci*. Quæ Methodus, quomodo *rationi* jam laudatæ superstructa sit, in propatulo est: interim, si, quantum ad ipsam *materiam* remediorum, non his iisdem, sed aliis, tamen *scopum* eundem attingere aliquis possit, neque ille, quæ erat peritissimi Viri à nuda *Empiria* averfio, neque quisquam alius, dissvaferit, nedum improbaverit.

LIII.

Ceterum, uti *nominatim* remedia, huic scopo commode satisfaciunt, nempe ad Febrem *Tertianam* legitime tractandam idonea, alibi jam, (*Schediasmate Mense Novembr. 1698. edito, & Disputat. Inaugur. de Tertiana omnium Februm Paradigmate*) à nobis memorata fuerunt; ita illa hic repetere nulla necessitas svadet. Suffecerit brevibus repetiisse, quod solus *ordinatio* illorum usus, non solum *turbatas* *Tertianas* iterum *composuerit*, & in bonum ordinem redegerit; sed etiam, *succenturiatus* illis, usus, *Pitularum balsamicarum*, *disfingulatas* & *oppressas* has febres, subinde iterum *expediverit*, ut deinde justæ *methodo*, tanto melius patuerint: & utrumque, non uno aut altero fortuito, sed insigni numero, & pari constantia, conspirantibus exemplis.

LIV.

Placet, & certe publici commodi studio, saltim uno vel altero exemplo allegato, res has illustrare. A *Tertiana* suppressâ, per *Peruvianum Corticem*, & *Martialium* prodigum usum, in  
anxi.

*anxias angustias* præcordiorum, & *lentam*, *Hæctica* non abf-  
mitem, febrilem ἀνομίαν prolapsis, imprimis post non ita mul-  
tos, (8. ad 12. vel circiter) à re ita gesta, dies, præsentem opem  
tulit remedium in hoc ordine *digestivum*, è *conchis præparatis*,  
*Antimonio diaphoretico*, & *Nitro regenerato*, saltem ad Scrup. I.  
in singulas doses usurpatum: subjuncta post plures horas, & eo-  
dem intervallo repetita, *Ess. Alexipharm.* non acriter calida. *In-*  
*terposito* etiam alternis diebus *Pilularum Balsamicarum* usu. Ita  
alii, semel, rarius iterum, spontè vomuerunt; Alii spontanea pur-  
gatione, pauci copiosâ, levati sunt: Omnes intra paucos dies ple-  
nè restituti.

LV.

Reptinus *Tumor*, ad, immò ultrà, *præcordia*, intrà octidu-  
um forte, à pari *suppressione* febris, prævalescens; *pulveris* hu-  
jus usu, & *quotidie* usurpatis *Pilulis Balsamicis* in viro aliàs ve-  
getioris indolis, *undecim dierum* quotidiano ingente decre-  
mento, ablati, & patiens sanitati redditus est: In alio, eva-  
nescente quasi *tumore*, usque ad *malleolos*, tamen circa *præcor-*  
*dia*, perversæ *angustia*, & *lentum* febrile schema, continuato  
(post *pulverem* atque *Pilulas*,) *Essentia Alexipharmacæ* usu, in  
viro imbecilliore, spe citius victa, & æger in integrum restitu-  
tus. Ubi vero *languidioribus* successibus subcreverat & in-  
creverat *tumor*, non violentiori, sed pariter *moderato* eorum-  
dem remediorum usu, optatus effectus impetratus.

LVI.

Illud autem, ex eodem certe publici commodi amore, &  
ratione & experientia nixi, sedulò monemus, ut in *schematibus*  
ejusmodi morbidis, prægressæ *turbata*, aut *corruptæ*, Tertia-  
næ succedentibus; imprimis in ægris minus robustæ indolis, &  
minus *agilis* vitæ rationis compotibus: abstineatur à *Martia-*  
*lium* & *Salium Volatilium Urinosorum* usu. Quamvis enim  
circumspectiores Practici, è solerte experientiæ observatione,  
nec in *simplicibus* ejusmodi affectibus, quales, adhuc *pejore*  
genio, febres turbatas excipiunt, à talium usu minus commo-  
dos

dos effectus animadvertendi, hinc inde compotes futuri sint: tamen sub *tali* eorumdem *ortu* atque *more*, adhuc manifestius eosdem experiri, fieri vix potest, ut nequeant.

LVII.

Quæ, ut pro *Therapia*, *turbatarum*, atque *corruptarum* febrium Tertianarum, quantum à nobis postulari possit, suffectura esse confidimus; ita tanto *major*, *luculentior*, atque *certior*, totius nostræ tractationis usus, ille erit, ut agnitâ multiplici malâ, pejorē, immò pessimâ, consequutione *turbationis*, atque *corruptionis* harum febrium; tantò majore cum studio & industria, cautio adhibeatur. Non enim certe tanti est scurrilis illa exprobratio, quod *languidè*, immò *timidè*, Medicus procedat *methodo* sua febres curandi; quàm alii *alacriter* hoc perficere spectentur: Quàm verius illud conscientia opprobrium, quando, si vel *paucioribus*, certis tamen atque luculentis, exemplis, per infidam *festinationem*, imprimis apud minus robustos ægros, res, sine ulla justa causa, temerè in discrimen adductas esse, memori menti obversatur. Quale quid, ut à nobis abesse omnibus votis atque studiis contendimus; ita illud omnes cordatos Praxeos studiosos, non magis probaturos, quam sequuturos esse confidimus. Quod Deus velit atque largiatur, cui pro concessa nobis sua gratia numquam intermoriturus grates atque laudes nuncupamus.

S. D. G.

